



JU KANTONALNA BOLNICA ZENICA DIREKTOR

Adresa: Crkvice 67, 72000 Zenica, Bosna i Hercegovina Direktor: 032 447 010
Centrala: 032 447 000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: ~~32~~-02-7703/23
Zenica, 01.11.2023. godine.

Na osnovu člana 69. i 70. Zakona o javnim nabavkama ("Službeni glasnik BiH" broj: 39/14, 59/22), člana 21. Pravilnika o javnim nabavkama JU Kantonalne bolnice Zenica (broj: 20/1-1-17555 od 24.08.2016 godine), direktor Kantonalne bolnice Zenica, donosi

ODLUKU

I

Vrši se odabir ponude ponuđača „**RM-LH**“ **D.O.O. ZENICA**, kao najpovoljnije ponude za javnu nabavku radova – radovi na rekonstrukciji i remontu posuda pod pritiskom i nabavci i instalaciji novih za potrebe JU Kantonalna bolnica Zenica, ukupne vrijednosti ponude u iznosu od **23.665,00 KM** bez PDV-a, i dodjeljuje se ugovor odabranom ponuđaču na ukupnu vrijednost ponude u iznosu od 23.665,00 KM bez PDV-a na period do isteka trajanja garancije na izvedene radove.

II

Sa odabranim ponuđačem iz tačke I ove Odluke, a nakon pravosnažnosti iste, zaključit će se ugovor na period do isteka trajanja garancije na izvedene radove, na ukupnu vrijednost ponude u predmetnoj javnoj nabavci u iznosu od 23.665,00 KM bez PDV-a.

III

Javna nabavka je provedena putem otvorenog postupka sa namjerom provođenja e-aukcije (broj: 13-104/23).

IV

Ova odluka stupa na snagu danom donošenja.

OBRAZLOŽENJE

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14), Komisija za javnu nabavku radova - radovi na rekonstrukciji i remontu posuda pod pritiskom i nabavci i instalaciji novih za potrebe JU Kantonalna bolnica Zenica, imenovana Odlukom direktora broj: 01-02-672-1/23 od 22.09.2023. godine podnosi direktoru JU Kantonalne bolnice Zenica Izvještaj o provedenom postupku javne nabavke radova - radovi na rekonstrukciji i remontu posuda pod pritiskom i nabavci i instalaciji novih za potrebe JU Kantonalna bolnica Zenica (otvoreni postupak nabavke, tender broj: 13-104/23).

Odlukom direktora broj 01-02-672/23 od 22.09.2023. godine. godine pokrenut je postupak javne nabavke radova – radovi na rekonstrukciji i remontu posuda pod pritiskom i nabavci i instalaciji novih za potrebe JU Kantonalna bolnica Zenica, ukupne procijenjene vrijednosti 23.700,00 KM bez PDV-a, otvorenim postupkom, a u skladu sa članom 19. st.1 Zakona o javnim nabavkama.

Otvoreni postupak je odabran za korištenje iz sljedećih razloga:

Članom 19. stav (1) Zakona o javnim nabavkama propisano je da Ugovorni organi iz člana 4.ovog zakona za dodjelu ugovora o javnoj nabavci primjenjuje otvoreni ili ograničeni postupak kao osnovne i redovne postupke. Obzirom da KB Zenica spada u ugovorne organe iz člana 4. ZJN, smatramo da su ispunjeni uslovi da se provede otvoreni postupak za javnu nabavku radova – radovi na rekonstrukciji i remontu posuda pod pritiskom i nabavci i instalaciji novih za potrebe JU Kantonalna bolnica Zenica.

Komisija je utvrdila sljedeće:

- da je na portalu „E-nabavke“ dana 28.09.2023. godine, objavljeno obavještenje o nabavci broj 669-1-3-551-3-364/23 i TD sa namjerom provođenja e-aukcije i da je da je na portalu „E-nabavke“ dana 19.10.2023. godine, objavljeno obavještenje o nabavci broj 669-1-3-551-8-390/23 i TD sa namjerom provođenja e-aukcije , sa rokom prijema ponuda i javnim otvaranjem ponuda zakazanim za dan 30.10.2023. godine;
- da je na portalu „E-nabavke“ nije bilo postavljenih upita vezano za predmetnu nabavku;
- da je sa portala „E-nabavke“ tendersku dokumentaciju objavljenju 28.09.2023. godine, preuzelo ukupno 14 (četnaest) potencijalnih ponuđača,
- da je planirano zaključivanje ugovora o javnoj nabavci roba sa jednim ponuđačem na period do isteka trajanja garancije na izvršene radove;
- da je javno otvaranje ponuda bilo dana 30.10.2023. godine u 10,00 sati,
- da su na javnom otvaranju ponuda su prisustvovali predstavnici ponuđača i to prestavnik ponuđača „RM-LH“ d.o.o. Zenica g-din Duraković Senad;
- da na tender broj: 13-104/23 u predviđenom roku pristiglo ukupno 1(jedna) ponuda i to ponude ponuđača:

1. „RM-LH“ D.O.O. ZENICA

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

Redni broj omotnice ponude	Naziv ponuđača	CIJENA PONUDE (izražena cijena u KM bez uračunatog PDV-a)
1.	„RM-LH“ D.O.O. ZENICA	Ukupna cijena: 23.665,00

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava, po tačkama iz TD:

USLOVI ZA KVALIFIKACIJU

Ponuđač je dužan u svrhu dokazivanja lične sposobnosti iz člana 45. ZJN BiH dokazati da:

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa (općinskog organa uprave, suda ili notara) izjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze u svrhu dokazivanja činjenica potvrđenih u izjavi i to:

- a) izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze.

Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom . U protivnom će se smatrati da je dao lažnu izjavu. Dokazi o ispunjavanju uslova je dužan dostaviti u roku od 7 (sedam) dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. ZJN BiH.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može isključiti ponuđača/kandidata na period od 12 mjeseci iz učešća u postupku javne nabavke ukoliko može dokazati:

- a) da je kandidat/ponuđač sklopio sporazum sa drugim kandidatom/ponuđačem kojem je cilj narušavanje tržišne konkurencije,
- b) da je dokazivo odgovarajućim dokaznim sredstvima da je ponuđač/kandidat kriv za teški profesionalni propust koji dovodi u pitanje njegov integritet,
- c) da su utvrđeni značajni nedostaci tokom sprovođenja predhodnog javnog ugovora ili predhodnog ugovora sa sektorskim organom čija je posljedica bila prijevremeni raskid tog predhodnog ugovora, naknada štete ili druga slična sankcija,
- d) ako je kandidat/ponuđač lažno prikazao činjenice pri dostavljanju podataka potrebnih za provjeru kvalifikacionih i/ili kriterijuma za dodjelu ugovora, ako je prikrio takve informacije ili nije ustanju da priloži popratne dokumente,
- e) ako se sukob interesa u smislu člana 52. Zakona ne može ukloniti drugim, manjim drastičnim mjerama.

Rok od 12 mjeseci na koji se može isključiti ponuđača/kandidata iz učešća u postupku javne nabavke računa se od dana donošenja odluke nadležnog organa.

Kandidat/ ponuđač kod kojeg su ostvarene osnove za isključenje po gore nabrojanim dokazima koji se mogu predočiti, može se dostaviti dokaz ugovornom organu o mjerama koje je preduzeo kako bi dokazao svoju pouzdanost bez obzira na postojanost relevantne osnove za isključenje, a to se dokazuje sljedećim:

- a) plaćanjem naknade štete ili preduzimanjem drugih odgovarajućih mjera s ciljem plaćanja naknade štete prouzrokovane krivičnim djelom ili propustom,
- b) aktivnom saradnjom sa nadležnim istražnim organima radi potpunog razrješenja činjenica i okolnosti u vezi sa krivičnim djelom ili propustom,
- c) odgovarajućim tehničkim, organizacionim i kadrovskim mjerama radi sprečavanja daljnjih krivičnih djela ili propusta.

Mjere koje preduzme kandidat/ ponuđač (gore nabrojane) ocjenjuju se uzimajući u obzir težinu i posebne okolnosti djela ili propuste te je obavezan obrazložiti razloge prihvatanja ili neprihvatanja mjera. Ugovorni organ neće isključiti kandidata/ ponuđača iz postupka nabavke ako je ocjenjeno da su preduzete mjere primjerene.

Kandidat/ ponuđač kojem je pravosnaznom presudom određena zabrana ucestvovanja u postupcima javne nabavke na određeno vrijeme nema pravo korištenja mogućnosti dostavljanja dokaza kojima dokazuje svoju pouzdanost bez obzira na postojanje relevantnih osnova za isključenje.

Ako ugovorni organ ima sumnje o postojanju okolnosti za odbacivanje ili isključenje kandidata/ ponuđača, može se obratiti nadležnim organima s ciljem pribavljanja potrebnih informacija o predmetnom postupku.

Ponuđač je dužan u svrhu dokazivanja profesionalne djelatnosti dokazati da je u skladu sa članom 46. ZJN BiH:

- a.) da je registrovan u relevantnim profesionalnim ili drugim registrima u zemlji u kojoj je registrovan, ili dostavi posebnu izjavu ili potvrdu nadležnog organa kojom dokazuje njihovo pravo da obavlja profesionalnu djelatnost koja je u vezi sa predmetnom nabavkom

U svhu dokazivanja uslova iz tačke a) ponuđač je dužan da dostavi :

- Rješenje o upisu u sudski registar ili aktuelni sudski izvod iz sudskog registra ili neki drugi dokument kojim ponuđač nedvosmisleno dokazuje da je registrovan za obavljanje predmetne djelatnosti

Dokazi se dostavljaju kao neovjerene kopije originala.

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke. Dokaz koji je dužan dostaviti izabrani ponuđač mora sadržavati potvrdu da je u momentu predaje ponude ispunjavao uslove koji se traže tenderskom dokumentacijom.

Ponuđač je dužan u svrhu dokazivanja ekonomsko i finansijske sposobnosti ponuđača iz člana 47. ZJN BiH dokazati da je:

- a) da je glavni transakcijski bankarski račun ponuđača aktivan i solventan.

U svrhu dokazivanja uslova ponuđač je dužan dostaviti:

- Izjavu ovjerenu od strane ponuđača, koja je dostavlja u formi iz Priloga broj 4. TD, koja ne smije biti starija od 15 (petnaest) dana od dana predaje ponude, original izjava,
- potvrda banke ponuđača ili neke druge finansijske ustanove (npr. Centralna banka BiH) da ponuđač ima otvoren i solventan račun kod iste i da je ujedno taj račun glavni, dostavlja se kao neovjerena kopija originala, s tim da datum izdavanja originala ne može biti stariji od 3 /tri/ mjeseca računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke. Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač je dužan u svrhu dokazivanja tehničke i profesionalne sposobnosti ponuđača–iz člana 48. i 51. ZJN BiH, dokazati:

- a) uspješno iskustvo kao osnovnog ugovarača u realizaciji jednog ugovora o rekonstrukciji za objekte slične ili iste namjene sa radovima koji su predmet ovog tendera (izmjenivači toplote, kotlovskih postrojenja i sl.) u prethodne tri godine vrijednost ugovora minimalno 20.000,00 KM, bez PDV-a), odnosno srazmjern ugovor ako je kandidat/ponuđač registrovan, odnosno počeo sa radom prije manje od tri godine,
- b) posjedovanje tehničkog lista (proizvođačka specifikacija, deklaracija proizvođača), za ponuđeni materijal u skladu sa zahtjevom i opisom iz obrasca za ponudu,
- c) da ima zaposleno ili angažovano osoblje sa obrazovnim i profesionalnim kvalifikacijama adekvatnim poslovima iz predmeta nabavke i to:
- rukovodno osoblje gradilišta u skladu sa zakonskim odredbama (minimalno 5 /pet/ godina iskustva na poslovima građenja za inženjera ili minimalno 3 /tri/ godine iskustva na poslovima građenja ako je diplomirani inženjer, te u oba slučaja i položen stručni ispit) koje je odgovorno za izvođenje konkretnih radova u periodu trajanja ugovora,
 - minimalno jednog diplomirnog inženjera mašinske struke sa najmanje 3 /tri/ godine radnog iskustva,
 - da ponuđač ima minimalno 5 (pet) zaposlenih ili angažovanih kvalifikovanih radnika mašinske struke (bravara, zavarivača, instalera grijanja) neophodnih za izvođenje predmetnih radova,
- d) da ponuđač raspolaže potrebnim građevinskim mašinama i tehničkom opremom za realizaciju predmetne nabavke, odnosno da posjeduje opremu za izradu registara izmjenjivača toplote (oprema za savijanje cijevi i opremu za zavarivanje i ostala oprema potrebna za izvođenje opisanih poslova).

U svhu dokazivanja uslova iz tačke 11.4. alineja a), b) c) i d), ponuđač je dužan dostaviti:

- a.) spisak izvršenih ugovora o rekonstrukciji u prethodne 3 /tri/ godine, uz potvrdu koju daje druga ugovorna strana o njihovoj realizaciji za ugovor o rekonstrukciji za objekte slične ili iste namjene sa radovima koji su predmet ovog tendera (izmjenivači toplote, kotlovskih postrojenja i sl.) čija je vrijednost od minimalno 20.000,00 KM, bez PDV-a,
U slučaju da se takva potvrda iz objektivnih razloga ne može dobiti od druge ugovorne strane, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju,
- b.) tehnički list (proizvođačke specifikacije, deklaracija proizvođača) za ponuđeni materijal u skladu sa zahtjevom i opisom iz tehničke specifikacije. Navedeni tehnički list mora da sadrži minimalno podatke koji su traženi u tehničkoj specifikaciji kako bi se moglo utvrditi da se radi o tačno određenom artiklu, sa određenim karakteristikama, kopija na jednom od govornih jezika u BiH,
- c.) izjava ponuđača da ima angažovano osoblje sa obrazovnim i profesionalnim kvalifikacijama adekvatnim poslovima iz predmeta nabavke i to: rukovodno osoblje gradilišta u skladu sa zakonskim odredbama (minimalno 5 /pet/ godina iskustva na poslovima građenja za inženjera ili minimalno 3 /tri/godine iskustva na poslovima građenja ako je diplomirani inženjer, te u oba slučaja i položen stručni ispit) koje će biti odgovorno za izvođenje konkretnih radova u periodu trajanja ugovora, da ima minimalno jednog diplomirnog inženjera mašinske struke sa najmanje 3 /tri/ godine radnog iskustva, da ima minimalno 5 zaposlenih kvalifikovanih radnika mašinske struke (bravara, zavarivača, instalera grijanja) neophodnih za izvođenje predmetnih radova,
- d.) izjava ponuđača da raspolaže stručnim osobljem, građevinskim mašinama i tehničkom opremom odnosno da posjeduje opremu za izradu registara izmjenjivača toplote (oprema za savijanje cijevi i opremu za zavarivanje i ostalu oprema potrebna za izvođenje opisanih poslova), koje su neophodne za izvođenje konkretnih radova u periodu trajanja ugovora,

NAPOMENA: Potvrda o uredno izvršenim ugovorima ili izjava ponuđača o uredno izvršenim ugovorima iz tačke a) obavezno moraju sadržavati sve podatke navedene u članom 48. stav (3) ZJN BiH, u protivnom ponuda će biti odbijena kao neprihvatljiva.

Ukoliko ponudu dostavlja grupa ponuđača, svi članovi grupe dostavljaju zajedno dokaze u smislu ispunjavanja uslova. Dokazi se dostavljaju kao kopije. Ponuđač koji bude odabran kao najbolji u ovom postupku javne nabavke je dužan dostaviti tražene dokaze u originalu ili ovjerenoj kopiji u roku od 7 (sedam) dana od dana zaprimanja obavještenja o rezultatima ovog postupka javne nabavke.

Izjave o uslovima izvođenja radova

U vezi sa uslovima i načinom izvođenja radova, ponuđač je dužan dostaviti slijedeće izjave:

- a) Izjava ponuđača o bezavansnom plaćanju u roku od 60 /šezdeset/dana od dana izdavanja fakture u skladu sa tačkom
- b) Izjava ponuđača o mjestu izvršenja radova, potpisana i ovjerena od strane ovlaštene osobe ponuđača u skladu sa tačkom 9. TD,
- c) Izjava ponuđača da se ponuđač bavi izradom opreme za grijanja, rekonstrukcijom kotlovskih postrojenja i izmjenjivačkih podstanica itd.
- d) Izjava ponuđača da je najduži rok za izvođenje radova 21/dvadesetjedan/dan od dana uvođenja u posao nakon prijema narudžbe ugovornog organa u skladu sa tačkom 10. TD, potpisana i ovjerena od strane o vlastene osobe
- e) Izjava o garantnom roku na izvedene radove od najmanje 12 /dvanaest/ mjeseci od prijema radova
- f) Izjava ponuđača da pristaje na elektronske narudžbe putem mail adrese, potpisana i ovjerena od strane o vlastene osobe
- g) Izjava ponuđača da će nakon izbora na službeni mail dostaviti elektronski popunjen obrazac za cijenu ponude, (WORD DOCUMENT ili Excel document), Prilog broj 2,
- h) Izjava ponuđača daje rok važenja ponude 120 (stodvadeset) dana u skladu sa tačkom 16. TD, potpisana i ovjerena od strane o vlastene osobe
- i) Izjava ponudjača o prihvatanju garancije za dobro izvršenje ugovora u visini od 10% od vrijednosti ugovora u skladu sa članom 20.2. TD, potpisana i ovjerena od strane o vlastene osobe
- j) Izjava ponuđača o nepromjenjivosti cijena za vrijeme trajanja ugovora,

KOMISIJA KOJA PROVODI POSTUPAK PREDMETNE JAVNE NABAVKE RADOVA – Radovi na rekonstrukciji i remontu posuda pod pritiskom i nabavci i instalaciji novih za potrebe JU Kantonalna bolnica Zenica konstatuje da je ponuđač „RM-LH” D.O.O. ZENICA uz ponudu dostavio slijedeću dokumentaciju, i to, :

- Obrazac za dostavljanje ponude sa popisom dostavljenih dokumenata, Prilog broj 1, uredno popunjen, potpisan i ovjeren od strane ovlaštene osobe ponuđača
- Osnovni podaci o ponuđača na memorandumu ponuđača, potpisan i ovjeren od strane ovlaštene osobe ponuđača
- Obrazac za cijenu ponude, Prilog broj 2, popunjen, potpisan i ovjeren od strane ovlaštene osobe ponuđača
- Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama BiH, Prilog broj 3, popunjena, potpisana i ovjerena od strane ovlaštene osobe ponuđača i ovjerena kod notara dana 24.10.2023. godine
- Uvjerenje Suda BiH u Sarajevu, broj Su: 03-8354/23 od 14.09.2022. godine, kojim se potvrđuje da protiv pravnog lica „RM-LH“ d.o.o. Zenica, nije izrečena pravosnažna osuđujuća presuda za krivična dijela organizovanog kriminala, prevaru, korupciju i pranje novca pred Sudom Bosne i Hercegovine, a sve u smislu člana 45. stav 2. tačka (a) ZJN BiH, kopija
- Uvjerenje Općinski sud u Zenici, broj: 43 0 Su 234918 23 Su od 13.09.2023 godine o činjenicama iz službene evidencije, da za pravno lice „RM-LH“ d.o.o. Zenica u krivičnom postupku nije izrečena pravosnažna presuda kojom je osuđeno za krivično djelo učešća u kriminalnoj organizaciji za korupciju, prevaru ili pranje novca, kopija
- Uvjerenje Općinski sud u Zenici, broj: 43 0 Su 234949 23 Su od 14.09.2023 godine o činjenicama iz službene evidencije, da za pravno lice „RM-LH“ d.o.o. Zenica nije pod stečajem niti je predmet stečajnog postupka, nije predmet postupka likvidacije, kopija
- Uvjerenje Uprava za indirektno-neizravno oporezivanje, Regionalni centar Sarajevo, broj: 02/6/II-16-11-20-10750/23 od 14.09.2023. godine, da ponuđač na dan 14.09.2023. godine nema dospjelih a neizmirenih obaveza po osnovu indirektnih poreza, ostalih prihoda i taksu definisanih odredbama člana 1. stav (2) Zakona o sistemu indirektnog oporezivanja i člana 1. stav (3) Zakona o uplatama na Jedinostveni račun i raspodjeli prihoda, kopija
- Uvjerenje Federalnog ministarstva finacija-finansija, Porezna uprava FBiH, Kantonalni porezni ured Zenica Porezna ispostava Zenica, broj: 13-4/1-12-5-5032/23 M.AV. od 13.09.2023 godine, da ponuđač na dan 31.07.2023. godine, prema poreznoj evidnciji nema obaveza, da porezni obveznik nema duga po osnovu javnih prihoda, kopija
- Aktuelni izvod iz sudskog registra, Općinski sud u Zenici, broj: 043-0-RegZ-23-002445 od 12.09.2023. godine, kopija
- Izjava o ispunjenosti uslova iz člana 47. stav (1) tač. od a) do d) i (4) ZJN, Prilog broj 4, popunjena, potpisana i ovjerena od strane ovlaštene osobe ponuđača
- Potvrda izdata od SPARKASSE BANK d.d. BiH, dana 25.10.2023. godine, da ponuđač ima otvoren GLAVNI račun koji je aktivan, solventan, kopija
- Spisak izvršenih ugovora, potpisan i ovjeren od strane ovlaštene osobe ponuđača
- Potvrda izdata od strane GLOBAL ISPAT KOKSNA INDUSTRIJA do.o. Lukavac, od dana 25.10.2023. godine, kojom potvrđuju da je ponuđač uspješno realizovao obaveze po Ugovoru od aprila 2023 do jula 2023. godine, kopija
- Izjava ponuđača o tehničkim karakteristikama, potpisan i ovjeren od strane ovlaštene osobe ponuđača
- Potvde o inspekciji -certifikati od strane 24 do strane 50, na stranom jeziku i ovjereni prevedeni od strane ovlaštenog sudskog tumača za strane jezike
- Izjava ponuđača da ima angažovano osoblje sa obraovnim i profesionalnim kvalifikacijama adekvatnim poslovima iz predmeta nabavke i to:
 - rukovodno osoblje gradilišta u skladu sa zakonskim odredbama (minimalno 5 (pet) godina iskustva na poslovima građenja za inženjera ili 3 (tri) godine iskustva na poslovima građenja ako je diplomirani inženjer, te u oba slučaja i položen stručni ispit) koje je odgovorno za izvođenje konkretnih radova u periodu trajanja ugovora
 - minimalno jednog diplomiranog inženjera mašinske struke sa najmanje 3 (tri) godine radnog iskustva
 - da ponuđač ima minimalno 5 (pet) zaposlenih ili angažovanih kvalificiranih radnika mašinske struke (bravara, zavarivača, instalatera grijanja) neophodnih za izvođenje predmetnih radova potpisana i ovjerena od strane ovlaštene osobe ponuđača
- Izjava ponuđača da raspolaže stručnim osobljem, građevinskim mašinama i tehnikom opremom odnosno da posjeduje opremu za izradu registra iznjenjivača toplote (oprema za savijanje cijevi i opremu za zavarivanje i ostalu opremu potrebnu za izvođenje opisanih poslova), koje su neophodne za izvođenje konkretnih radova u periodu trajanja ugovora, potpisana i ovjerena od strane odgovorne osobe
- Izjava ponuđača da će se plaćanje vršiti bezavansnim putem u roku od 60 (šezdeset) dana od dana izdavanja fakture, potpisana i ovjerena od strane odgovorne osobe
- Izjava ponuđača o mjestu izvršenja radova, potpisana i ovjerena od strane odgovorne osobe
- Izjava ponuđača da se bavi izradom opreme za grijanje, rekonstrukcijom kotlovskih postrojenje i izmjenjivačkih podstanica i slično, potpisana i ovjerena od strane odgovorne osobe

- Izjava ponuđača da je najduži rok za izvođenje radova 21 (dvadesetjedan) dan od dana uvođenja u posao nakon prijema narudžbe ugovornog organa u skladu sa tačkom 10 TD, potpisana i ovjerena od strane odgovorne osobe
- Izjava ponuđača da je garantni rok na izvedene radove nanajmanje 12 (dvanaest) mjeseci od prijema radova, potpisana i ovjerena od strane odgovorne osobe
- Izjava ponuđača da pristaje na elektronske narudžbe putem mail adrese, potpisana i ovjerena od strane ovlaštene osobe ponuđača
- Izjava ponuđača da će izvršiti radove u skladu sa tehničkom specifikacijom dostavljenom u obrascu za cijenu ponude Prilog broj 2, potpisana i ovjerena od strane ovlaštene osobe ponuđača
- Izjava ponuđača da je rok važenja ponude 120 (stodvadeset) dana od dana isteka roka za podnošenje ponuda, potpisana i ovjerena od strane ovlaštene osobe ponuđača
- Izjava ponuđača da prihvata garanciju za dobro izvršenje ugovora u visini od 10 % od vrijednosti ugovora, potpisana i ovjerena od strane ovlaštene osobe ponuđača
- Izjava ponuđača o nepromjenjivosti cijena za vrijeme ugovora, potpisana i ovjerena od strane ovlaštene osobe ponuđača
- Obrazac izjave o dostavi garancije za uredno izvršenje ugovora, Prilog broj 5, popunjen, potpisan i ovjeren od strane ovlaštene osobe ponuđača
- Pismena izjava iz člana 52. Zakona o javnim nabavkama, Prilog broj 6, popunjena, potpisana i ovjerena od strane ovlaštene osobe ponuđača i ovjerena kod notara dana 24.10.2023. godine
- Povjerljive informacije, Prilog broj 7, potpisano i ovjereno od strane ovlaštene osobe ponuđača
- Nacrt ugovora o nabavci radova, Prilog broj 8, popunjen, potpisan i ovjeren od strane ovlaštene osobe ponuđača
- Obrazac izjave o prihvatanju općih i posebnih uslova tenderske dokumentacije, Prilog broj 9, popunjen, potpisan i ovjeren od strane ovlaštene osobe ponuđača

1 kopija ponude

- Izjava ponuđača da će dostaviti popunjenu bankovsku garanciju za uredno izvršenje Ugovora prema dostavljenoj formi generacije (Prilog broj 10), potpisana i ovjerena od strane ovlaštene osobe ponuđača
- Forma garancije za uredno izvršenje Ugovora, Prilog broj 10
- 1 (jedna) kopija

Analizom ponude ponuđača „RM-LH” D.O.O. ZENICA Komisija koja provodi predmetnu javnu nabavku radova Radovi na rekonstrukciji i remontu posuda pod pritiskom i nabavci i instalaciji novih za potrebe JU Kantonalna bolnica Zenica je utvrdila da je ponuđač dostavio ponudu koja je uvezana na način propisan T.D., da je imenovani dostavio KOPIJU i ORIGINAL ponudu u skladu sa tačkom 12.4. TD, da je imenovani dostavio tražene dokumente, obrasce, izjave, ovjerene od strane nadležnog organa i ovlaštene osobe, prema uputama i uvjetima postavljenim u tenderskoj dokumentaciji, a iz svega se može utvrditi da ponuda ponuđača „RM-LH” D.O.O. ZENICA u predmetnoj javnoj nabavci radova ispunjava uslove u pogledu:

- lične sposobnosti iz člana 45. ZJN BiH, a u skladu sa tačkom 11.1. TD,
- profesionalne djelatnosti iz člana 46. ZJN BiH, a u skladu sa tačkom 11.2. TD,
- ekonomske i finansijske sposobnosti iz člana 47. ZJN BiH, u skladu sa tačkom 11.3. TD,
- te tehničke i profesionalne sposobnosti iz člana 48. i 49. ZJN BiH, u skladu sa tačkom 11.4. TD
- te izjave potpisane i ovjerene od strane ponuđača u skladu sa tačkom 11.5. TD

Komisija konstatuje da ponuđač „RM-LH” D.O.O. ZENICA kao sastavni dio ponude dostavio uredno ovjerenu dokumentaciju i to: iz člana 45. ZJN BiH u skladu sa tačkom 11.1. TD, te u slučaju da navedeni ponuđač bude odabran Odlukom o izboru najpovoljnijeg ponuđača kao najpovoljniji, isti neće biti dužan dostaviti navedenu dokumentaciju obzorom da je ista sastavni dio dostavljene ponude.

Komisija koja provodi predmetnu javnu nabavku dalje je konstatovala da „RM-LH” D.O.O. ZENICA kao sastavni dio ponude nije dostavio u originalu ili uredno ovjerenu dokumentaciju iz člana 46. ZJN BiH u skladu sa tačkom 11.2. TD, iz člana 47. ZJN BiH u skladu sa tačkom 11.3. TD te u slučaju da navedeni ponuđač bude odabran Odlukom o izboru najpovoljnijeg ponuđača isti će biti dužan dostaviti navedenu dokumentaciju u skladu sa naprijed navedenim u roku od 7 dana od dana prijema Odluke, u protivnom će ugovorni organ smatrati da je isti odustao od ponude.

Komisija koja provodi predmetnu javnu nabavku konstatuje da jedina kvalifikovana ponuda ispunjava sve zahtjeve u pogledu opisa predmeta nabavke i tehničkih specifikacija u skladu sa traženim TD, da je ponuđeni radovi u skladu sa traženim TD, i da je kao takva prihvatljiva za Ugovorni organ u cjelosti.

U tenderskoj dokumentaciji za nabavku radova: Radovi na rekonstrukciji i remontu posuda pod pritiskom i nabavci i instalaciji novih za potrebe JU Kantonalna bolnica Zenica (otvoreni postupak nabavke, tender broj: 13-104/23), JRJN oznaka predmeta nabavke: 45454000-4 Radovi na rekonstrukciji, ukupna procijenjena vrijednost nabavke iznosi 23.700,00 KM bez PDV-a.

Kriteriji za dodjelu ugovora je:

a) Najniža cijena tehnički zadovoljavajuće ponude

Također, tenderskom dokumentacijom planirano je provođenje e-aukcije. Obzirom da je nakon provjere kvalificiranosti ponuđača utvrđeno da je pristigla samo 1 (jedna) kvalificirana prihvatljiva ponuda ponuđača „RM-LH“ D.O.O. ZENICA koja ispunjava sve zahtjeve iz TD, nisu se stekli uslovi za provođenje e-aukcije.

Komisija je izvršila vrednovanje jedine kvalifikovane ponude kako slijedi:

Redni broj	Naziv ponuđača	CIJENA PONUDE (izražena cijena u KM bez uračunatog PDV-a)
1.	„RM-LH“ D.O.O. ZENICA	Ukupna cijena: 23.665,00

Procijenjena vrijednost nabavke iznosi 23.700,00 KM bez uračunatog PDV-a.

Obzirom da je za javnu nabavku radova – radovi na rekonstrukciji i remontu posuda pod pritiskom i nabavci i instalaciji novih za potrebe JU Kantonalna bolnica Zenica (otvoreni postupak nabavke, tender broj: 13-104/23) pristigla samo jedna kvalificirana ponuda, da se zakazivanje i provođenje e-aukcije u tom slučaju ne provodi iz objektivnih razloga, shodno utvrđenoj rang listi, Komisija koja provodi predmetnu javnu nabavku jednoglasno daje preporuku direktoru JU Kantonalne bolnice Zenica da za nabavku radova na rekonstrukciji i remontu posuda pod pritiskom i nabavci i instalaciji novih za potrebe JU Kantonalna bolnica Zenica (otvoreni postupak nabavke, tender broj: 13-104/23) izvrši odabir ponude i donese odluku o dodjeli ugovora, na ukupnu vrijednost ponude u iznosu od 23.665,00 KM bez PDV-a ponuđaču „RM-LH“ D.O.O. ZENICA kao jedinom prihvatljivom i kvalificiranom ponuđaču.

Na osnovu gore navedenog, donesena je odluka kao u dispozitivu.

POUKA O PRAVNOM LIJEKU:

Protiv ove odluke može se uložiti žalba URŽ-u putem Ugovorog organa u roku od 10 /deset/ dana od dana prijema iste.



Dr Tarik Zulović

Amir J. Amelović
Dr